

# Powšitkowne WOZJEWJENJA

njedźelu, 25. awgusta 2013

## Wulět serbskeje dekanatneje młodžiny

Lětuši wulět serbskeje młodžiny budže njedźelu, 1. septembra. Bus A wotjědže w 11.30 hodź. z Kulowa, 11.45 hodź. z Ralbic, 11.55 hodź. z Róžanta a 12.05 hodź. z Njebjelčic. Bus B wotjědže w 11.30 hodź. z Radworja (nawjes), 11.40 hodź. z Baćonja, 11.50 hodź. z Chrósćic (fara), 12.05 hodź. z Pančic-Kukowa (šula) a 12.10 hodź. z Wotrowa (zwonka wsy).

Dojědźemy sej do Königsteina. Po krótkim pućowanju k Łobju zalězemy tam do gumijowych čołmow. W Pirnje změjemy swačinu a krótki nyšpor. Wottam pojedźemy kaž „Panik do Sernjan“, hdžež dzeń z rejemi (hač do 22 hodź.) zakónčimy.

Hačrunjež biskopstwo projekt spěchuje, prosymy wo přinošk we wysokosći 20 eurow na wosobu. Přizjewće so prošu hač do wutory, 27. awgusta, pola Dekanatneho dušepastyrstwa we Worklecach, telefonowe čisło (03 57 96) 9 55 95, abo na wasich farach. Wšitkich serbskich młodostnych wutrobnje na zhromadny wulět přeprašamy.

*Młodžinska referentka Angelika Kralowa,  
fara Měrćin Deleńk a wosadni duchowni*



## Wopomnjenski nyšpor za Michała Hórnik



Towarstwo Cyrila a Metoda z.t. (TCM) přeprašuje wěriwych ze wšitkich wosadow na wopominanje 180. posmjertnych narodnin přenjeho redaktora Katolskeho Posoła Michała Hórnik do Worklec. Swjedženski nyšpor budže njedźelu, 1. septembra, w 15 hodź. a zahaji so z wopomnjenjom wóćinca při pomniku. Z tutej Božej službu zakónča so zdobom jubilejne zarjadowanja składnostnje 150lětneho wobstaća TCM a 150. róčnicy přenjeho wudaća Katolskeho Posoła. Nyšporej při kapałce přizamknje so tam swačina. W Serbskej wyšej šuli „Michał Hórnik“ budže pućowanska wustajeńca k stawiznam TCM natwarjena, kotruž móža sej wšitcy zajimcy wobhladać.

## Duchowna hudźba w tachantskej cyrkwi

W rjedže duchowneje hudźby w Budyskej tachantskej cyrkwi swjateho Pětra wotměje so njedźelu, 1. septembra, we 18 hodź. poslednje zarjadowanje tutoho razu do dwulětnje wobšěrnej renowacije Božeho domu. Sabine a Klemens Kowollik (fleta a trompeta) zahrajeta zhromadnje z tachantskim kantorom Friedemannom Böhme wotměnjawy program z baroknymi a jazzowymi zwukami. Wšitcy su wutrobnje přeprašeni. Zastup je darmotny.

## Zhromadny dzeń za 1. a 2. lětnik

Na zhromadny dzeń přeprašuje Dekanatne dušepastyrstwo dźěci 1. a 2. lětnika sobotu, 14. septembra, wot 9 do 15 hodź. do Don Boskoweho domu we Worklecach. Zajimcy njech so prošu hač do wutory, 10. septembra, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdźělnika přinošk we wysokosći třoch eurow.

## **Zetkanje samostejacych**

Samostejacy ze serbskich wosadow kaž tež dalši zajimcy su sobotu, 21. septembra, w 14 hodź. do Domu biskopa Bena w Smochćicach přeprašeni. Zajimcy njech so hač do pjatka, 13. septembra, w redakciji Katolskeho Posoła přizjewja, telefonowe čisło (0 35 91) 55 02 12. Štóž chce wotewzaty być, njech to prošu zdžěli.

## **Putniska jězba do Słowjenskeje**

Za putnisku jězbu do Tinjow (Tainach) pola Klagenfurta w Awstriskej wot soboty do soboty, 19. do 26. oktobra, su hišće městna swobodne. Prošu tuž, zo byšće so lěpšeho planowanja dla bórže přizjewili. Pojěždźemy mjez druhim na słowjenske putniske městno Brezje a do stolicy Ljubljany. W Awstriskej wobhladamy sej mjez druhim Maria Wörth, katedralu Gurk a krasnu wokolinu jězow a horow. Přenocujemy stajnje w kubłanskim domje „Sodalitas“ w Tinjach. Přizjewće so prošu jara bórže pola mje w Radworju, telefonowe čisło (03 59 35) 2 04 25. Terezija Kubašec